



partii naleraq

UPA 2017/163-01

17-05-2017

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa, nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinerup silarsuaani nutaami nunat pineqartut inissisimanerata oqallisigineqarnissaa siunertaralugu ataatsimeersuartitseqqullugit.

(Aallartitat siulittaasuat Lars-Emil Johansen)

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutaa, tassa nunarsuarmi sumi inissisimanertik tunngavigalugu nunat tamalaat akornanni naalakkersuinikkut ingerlatsinerup silarsuaani nutaami nunat pineqartut inissisimanerata oqallisigineqarnissaa siunertaralugu ataatsimeersuartitsisinnaanermut tunngasoq Partii Naleraq sinnerlugu imannak oqaaseqarfigissuarput.

Nunarsuarmi naalakkersuinikkut pissutsinut allanngorartuartut eqqarsaatigalugit aamma ukiuni kingullerni pisartut assigiinngitsut ilaatigullu imaannaanngitsut eqqaasitsissutigalugit, minnerunngitsumillu nunatta namminiilivinnissaata piareersarlugu suliareruttulernerani pisariaqarpoq, siunissami nunatta qanoq inissisimanissaata piareersarnerani nunat qanigisatta naalakkersuinikkut oqaloqatiginissaat isummersoqartiginissaallu pingaaruteqarlunilu pisariaqartoq isumaqarpugut.

Ilumoorpoq massakkut ulluni atukkatsinni nunarsuarput sukkasuumik allanngoriartorfiuvoq, pingaartumik aamma Amerikap nutaamik præident-ertaarnerata kingorna nalorninartunik nunatsinnut sunniuteqaratarsinnaasunik pisoqarsinnaanera piareersimaffigineqartariaqartoq isumaqarpugut, naak nunatulli allatut sakkutooqaratalu sorsukkumatuujungikkaluartugut.

Tassami Amerikamiut nunanut allanut naalakkersuinikkut allanngortuartunik isummersulersimanerat Ruslandip Natollu aaqqiagiinnginnerat, Kinap pissaaneqaleraluttuinnarnera, Tuluit Nunaata EU-mit aninera, perulluliornerpassuillu pisartut eqqarsaatigalugit, soorlu Naalakkersuisut akissuteqaamminni oqaatigingaat – eqqarsaatigalugit uniinnarluta utaqqiinnarsinnaanngitsugut isumaqarpugut.

Aamma isumaqarpugut nunatta namminiilivinnissaata piareersarneranut atatillugu nunat allat, pingaartumik naggueqativut, Canada, nunallu allat nunatsinni inooriaatitsinnut naleqqutuumik periusillit paasinnilluarsinnaasullu oqaloqatiginerusariaqarivut.

Taamaammat siunnersuut tunngaviatigut taperserlugu ataatsimiititaliami susassaqtumi suliap aappassanneerreqannginnerani oqaluuserineqarnissaa inassutingarpugt.

Anthon Frederiksen, Partii Naleraq